

الحلقة ٦٤: وقفات مع المحطة الخامسة (الخاصة بمحمد ﷺ)

وأمته (ج ٢)

شريف طه يونس

الحمد لله تعالى نحمده ونستعين به ونستغفره ونعتذر بالله تعالى من شرور انفسنا ومن سيئات اعمالنا. انه من يهدى الله تعالى فلا

ضل له ومن يضل فلا هادي له اشهد ان لا اله الا الله وحده لا شريك له واهد ان محمدا عبده ورسوله. ثم اما بعد. ان شاء الله نكمل

في آآ صناعة الطفل - 00:00:00

آآ المصلى واحنا آآ دي الحلقة ان شاء الله السادسة والاربعين. اسأل الله ان يتم نعمته علينا. وكنا نتكلم في الفصل الثالث اللي هو

حديث الولي عن تعليم الصلاة والامر بها. وكنا - 00:00:20

بنتكلم عن حديث القرآن تحديدا عن تعليم الصلاة والامر بها. وآآ كنا في المحطة الخامسة آآ اللي هي فيها الكلام عن النبي صلى الله عليه وسلم او الام والحمد لله انهيناها يعني في اخر حلقة الحلقة الخامسة والاربعين. لكن آآ النقاط الاخيرة فيها كده يعني قلناها سريعا. لأن يعني في اوقات في بعض - 00:00:37

بعض الحلقات بحب ان يبقى لمينا الموضوع كله يعني. فان شاء الله ان آآ الحاجات اللي احنا قلناها سريعا دي نقف معها وقفه كده ان شاء الله وننكم بالذن الله. طيب - 00:00:57

آآ تقريبا آآ يعني محتاجين نقف شوية من اول آآ الوقفة رقم اربعين على ما يبدو من اول وقفه رقم آآ اربعين في الوقف رقم اربعين بنقول وفي كل ذلك يدعوا الله عباده للاستثمار ما اتاهم اياد. دي صفحة مية تمانية وتمانين. وفي كل ذلك يدعوا الله - 00:01:07

العبادة والاستثمار ما اتاهم اياد في تحقيق ما خلقهم لاجله. ويحذرهم من اهدر ما اكرمه به من النعمة بالانشغال بالتسخط على القسمة والغفلة عما كان فيها من الرحمة والحكمة والعظمة. اقول سبحانه وسبحانه وبحمده وهم يقسمون رحمة ربنا نحن قسمنا - 00:01:32

بينهم معيشتهم في الحياة الدنيا ورفعنا بعضهم فوق بعض درجات ليتخد بعضهم بعضا سخريا ورحمة ربنا خير مما يجمعون. وقال صلى الله عليه وسلم ان الله تعالى يقول يا ابن ادم تفرغ لعبادتي املا صدرك غنى واسد فقرك. وان لم تفعل - 00:01:52

ملأت صدرك شغلا ولم اسد فقرك. وقال صلى الله عليه وسلم من جعل الهموم هما واحدا هم اخرته. كفاه الله هم دنياه ومن تشعبت به الهموم في اقوال الدنيا لم يبالي الله في اي اوديتها هلك. وقال صلى الله عليه وسلم من كانت الاخرة همه جمع الله له امره. وجعل وجعل - 00:02:10

قال الله غناه في قلبه وانته الدنيا وهي راغمة ومن كانت الدنيا همه فرق الله عليه امره وجعل جعل الله فقره بين عينيه ولم يأته من الدنيا الا ما كتب له - 00:02:30

طيب اه الشاهد يعني في النقطة دي اللي احنا حابين نأكده عليه او الوقفة اللي محتاجين نتوقف معها ايه هو المفروض ان الآيات دي نفسها سدت المفاهيم والتصورات عند الانسان. يعني احنا عندنا اشكال اصلا متعلق بالمفاهيم والتصورات. ان انا اصلا - 00:02:44

انا مسئول عن ايه؟ وانا ربنا هيحاسبني على ايه وايه الواجب علي وللي المفروض انا اقوم به؟ يعني ده في حد ذاته اصلا كان محتاج تسديد مفاهيم. ولذلك الآيات دي بتتميز بانها بتحل الاشكالية دي - 00:03:02

يعني انا مسلا لما كنت انكلم مع البعض واقعد اقول الایمان والابدان واحنا بنقدم الابدان على الایمان وده مش صح والمفروض نعمل
ومش عارف ايه بعض الناس ربما كان يعني ايه - [00:03:17](#)

الدكتور يعني كلامه كوييس بس متذروش بزيادة شوية هو مزودها سن لأن يعني الكلام واضح وصريح وامر اهلك وامر اهلك بالصلة
واصطبر عليها لا نسألك رزقا نحن نرزقك والعاقبة للتقوى. يعني كلام كلام فيه اوضح من كده - [00:03:27](#)

يعني الكلام في منتهى الوضوح ما ما فيش كلام. يعني ولا تمنعنيك الى ما متعنا به ازواجا منهم زهرة الحياة الدنيا لنفتتهم فيه.
ورزق ربك خير وابقى. يعني كلام في منتهى الوضوح الانسان يحتاج ايه تاني؟ بعد الوضوح ده - [00:03:45](#)

محتاج ايه تاني بعد ما الدنيا بالشكل ده؟ فالآيات واضحة جدا الكلام واضح جدا ما فيهوش نقاش يعني. بس يعني اقول لعل البعض
كان محتاج يعني ان هو يعني يفهم الكلام ده بشكل سليم. المهم بعد تفهمه - [00:04:02](#)

في لقطة بقى مهمة ان الآيات نفسها بتعمل ايه؟ بتوجه الواحد لأن هو لحسن استثمار الطاقات اللي عنده يعني انا النهاردة ول يكن
عندي مجهد ما عندي مسلا راس مالي عندي وقتى وعندي جهدي وعندي مالي وعندي فكري - [00:04:18](#)

طيب راس المال اللي عندي ده انا عايز استثمره عشان كده انا هالقى الله يوم القيمة واحاسب على كل الكلام ده وهيقيم بقى انا
احسنت ولا ما احسنتش اسأتأت ولا ما اسأتأتش - [00:04:35](#)

فانا كده سالقى الله وساحاسب فانا عايز النهاردة بشكل واضح واضح وصريح ان انا اخرج من من الدنيا دي وانا آآ يعني اسعد الناس
بها. آآ اكون فعلا اكتر الناس فلاحا وفزوا فيها. آآ - [00:04:45](#)

ازاي بقى استثمر الكلام ده؟ فالآيات بتوجه الانسان انه يستثمر ازاي؟ لأن لو لاحظنا اللي عنده تطلع ومنافسة على الدنيا وجري وراها.
واللي عنده انشغال بالدنيا جدا وانشغال بما يخص الابدان عن ما يخص الایمان او انشغال بالعمaran على حساب الایمان. الناس دول
عندhem اشكال واضح جدا في القسم وده واحد - [00:05:05](#)

واحد من الحاجات على فكرة اللي بتخلينا بنذهب عن ان احنا نركز مع اللي يخصنا بمعنى ايه؟ دايما احنا لا نكاد نكون راضين بالقسمة
اللي احنا فيها. يعني مسلا لو حد فينا ول يكن مسلا هو ربنا موسوع عليه وعنه مسلا مكان يسكنه يملكه - [00:05:25](#)

لأ هو عنده تطلعات للمكان ده يكون اوسع والمكان ده يكون احسن وعنه تطلع ان ما عندوش سيارة يبقى عنده سيارة وعنه سيارة
يجيب سيارة غيرها وعنه تطلع ان ابني ده يبني له شقة واتنين وتلاتة - [00:05:42](#)

اه وعنه تطلع النجم ده يوفر له مش عارف ايه وبناته تؤمن لها مستقبلها ومش عارف يعني في اوقات كتير يعني احنا مسألة القسمة
دي عندنا ازمة دي. يعني هو مش راضي بالوضع الاجتماعي اللي هو فيه والوضع الاقتصادي اللي هو فيه - [00:05:52](#)
مش راضي بالكلام ده وقلنا قبل كده مراحل وتكررنا لابد نفرق بين والله الطموح آآ وعلو الهمة اللي هي حاجة يعني كوييسة
ومحمودة وما بين يعني التسخط ده زاته على القسم او رغبة الانسان دايما في ان هو آآ مش عاجبه الحال اللي هو عليها مش راضي
بها - [00:06:08](#)

ولذلك فمن الضروري الانسان يأخذ باله من القسمة زي ما قلنا مبنية على النعمة ومبني على الرحمة الرحمة ربنا بانه قسم له
كده يعني ونعمه دي نعمة من ربنا اللي هو فيه. مبنية على الحكمة آآ يعني وضع الشيء في مواضعه مبنية على العظلمة. يعني دي
اعظم قسمة ممكن تقسم له اصلا - [00:06:28](#)

ولذلك ربنا يقول اهم يقسمون رحمة ربك نحن قسمنا بينهم معيشتهم في الحياة الدنيا. نحن ليه بقى خلاص خلصت الكلام ورفعنا
بعضهم فوق بعض درجات ليتخد بعضهم بعضا سخريا في قسم حاصلة واحنا درجات آآ ده الوضع بتاع الدنيا. ورحمة ربك خير مما
يجمعون. نفس التوجيه اللي هو بتاع ورزق ربك خير وابقى - [00:06:48](#)

يعني انا مش مهم ان النهاردة من ناحية القسمة الارضية اه ان يكون فلان ده عنده مال اكتر مني ولا عنده مسلا دار اوسع مني ولا
عنه مش عارف مش مهم - [00:07:15](#)

ناحية القسم الارضية لان في الحقيقة لو احنا لو الانسان فعلا يعني مؤمن بربنا على الحقيقة هيبقى عنده ادراك ان القسمة دي هي من

لدن عليه من خبیر. من لدن من هو ارحم به من امه ومن نفسه. واعلم بما يصلحه - 00:07:26
منه لو الانسان امن بکده في كتير من الحاجات هتستقر. يعني لو امن بلو بسط الله الرزق لعباده لبغوا في الارض ولكن ينزلوا بقدر ما يشاء انه بعادي خبير بصير امي الامور هتختلف. ولذلك للأسف الشديد هذا الجهد المستنزف لو انه استثمر بشكل جيد زي ما بنقول دايما - 00:07:45

من اشكالية الاستثمار والاهدار آا الانسان لا شک يعني حياته هتكون افضل بكثير وهيقدر بالله حتى مش هقول وقتيا کمان فكريها يعني ذنهن ويصفو ان هو يقدر يقوم باللي هو ينبغي ان يقوم به ويعمل اللي عليه. ماشي؟ طيب - 00:08:05
اه عندنا بقى في اول صفحة مية تسعه وثمانين الحديث بتاع ان الله تعالى يقول يا ابن ادم تفرغ لعبادتي املا صدرك غنى واسد بفقرك. هي دي اللقطة لقطة ان الانسان - 00:08:24

يتفرغ فعلا يعني هو يتفرغ قلبها. يعني احنا عندنا يا جماعة في حاجة اسمها التفرغ القلبي وفيه حاجة اسمها التفرغ الوقتي. ماشي؟ يعني ممكن حد يقول اه مسلا انا متفرق واحدة تقول انا متفرغة مسلا لببتي ولعيالي واه - 00:08:34
متفرغة آا هي هي متفرغة وقتيا بس مش متفرغة قلبها هي هي قلبها وفكراها مش معه. ممكن تكون قاعدة طول النهار مسلا الانترنت ومش عارفة عمال اتكلم من مين وشاغلة بالها بجوزها راح مش متفرغة هي متفرغة وقتيا بس مش متفرغة قلبها او فكريها. ممكن انسان يكون متفرغ لحاجة - 00:08:54

قلبين او فكريين رغم انه فعلا وقته اغلبه مش لها. يعني مثلا ممكن يكون انسان واحدة مثلا هي مضطربة آا يعني لامور تخصها مسلا في بيتها ومضطربة لامور تانية انها بتدي مساحة كبيرة من وقتها اللي هي فيه ده. وممكن تكون بتدي من ناحية الوقت تلات اربع ساعات بالكتير في اليوم. مسلا لامر ما من الامور النافعة لآخرتها - 00:09:14

بس هي فكريها وقلبها هي ما فيش في قلبها ان الامر ده. يعني الحاجات الثانية دي بقى واحدة حجمها الذي ينبغي ان تأخذها. الفكرة الأساسية التفرغ القلبي التفرغ الفكري - 00:09:34
ان الانسان قلبه فكره ما يكونش مشوش ولا شک طبعا ان التفرغ يعني تفرغ الوقت آا يعني تفرغ الوقت. آا لما يبقى مش معه تفرغ القلب او الفكر او وحدة الهم - 00:09:49

من ناحية الامر ده ما يفيدش في حاله يعني انا كان مسلا بعض الاخوان الفضلاء كان بيكلمني على ايه طب والله الاخ فلان الفلاني اخ كوييس مش عارف ايه احنا ممكن آا نفرغه مثلا - 00:10:02

قيام بالامر الفلاني مسلا من من امور الخير او او انه يعمل كذا فانا سبحانه الله كت يعني ساعتها اقول ايه اصل اصل طب هو يعني حتى لو فرغناه وقتيا هو مش مفرغ قلبها - 00:10:15
يعني هو مش مفرغ قلبها. يعني هو ما هواش اه الشخص اللي هو اساسا اه مم اه مسلا ايه؟ مركز مع الكلام ده ويعني ومدي له فكره ومدي له وقته ومدي له جهده لأ هو مش الشخص ده - 00:10:30

أا هو فعلًا مسلا دماغه مشغولة بحاجة تانية وعندہ مسلا امر اخر مالي راسه. فال فكرة في الآخرة هي يعني مش لازم ان احنا هتاخذ كل وقتنا هي الفكرة الأساسية انها بقى لها التفرغ القلبي او الفكرى - 00:10:46
ان انا بيقى قلبها او فكريها الآخرة هي اللي محتلة مكانها الاول عندي في حياتي. ربنا واحد المكان الاول. قلبي متفرغ لله. آا قلبي ده متفرغ عبادة متفرغ لاختتها حتى لو وقتيا - 00:11:07

الوقت ما بيسعفتش الانسان في القيام بکده بس هو هو اللي اشد آا هو يعني آا هيقدر ينجز ويقدر يكسب حاجة خلاص طيب نستأنف ان شاء الله. كنا بنتكلم عن مسألة التفرغ وقلنا يا جماعة ان مسألة التفرغ دي فيه تفرغ قلبي وفيه تفرغ او - 00:11:21
سكر وتفرغ وقتى. المراد الانسان يفرغ قلبه او يفرغ وحتى اصلا اللفظة بتاعة فرغ قلبه ودي دي جاية في الاحاديث بتاعة الصلاة وفرغ قلبه لله فيها. وفرغ قلبه لله فيها - 00:11:41

ان القلب ده يتفرغ لله فعلا يعني ان هو الانسان كل ده يركن وربنا يعني آا يعني زي ما قلت كده ان يعني الحضور عائق بالله في قلب

العبد الحضور اللائق بالعبادة في قلب العبد. الحضور اللائق بالآخرة في قلب العبد. ففي الحقيقة هي مش مش تفرغ وقتي والا فمسلا ناس ممكן يكون عندهم الوقت بس - 00:11:58

بس قلوبهم عمالة افكارهم وقلوبهم عمالة تجول في في الحالة اللي هي الثانية بقى اللي هي ايه تشعبت به الهموم في احوال الدنيا.

لم يبالي الله في اي اوديتها هلاك. وببرضو مرارا وتكرارا بنقول مش لازم الدنيا دي ان يكون انا آآ عندي - 00:12:21

دي حاجات لأ ده ممكן واحد تكون مسلا حالة زروفه الاقتصادية متواضعة يكون اصلا قلبه بيتجول في الدنيا اكتر من اللي عنده اصلا

يعني اكتر من الشخص اللي عنده امور من الدنيا شغاله ممكן يكون عمال يعني مركز بقى قوي في امه متطلق ويعمل كذا ويجيب

منين وي عمل ايه ويودي ايه يعني الموضوع شاغله - 00:12:38

بشكل ضخم ومارق وبشكل ضخم. فاللي اقصده يعني اه فكرة ان القلب مش مش فكرة الوقت بس يعني فرغ لو ان ان اصلا الانسان

لو ان قلبه فرغ للعبادة او للآخرة آآ الله سبحانه وبحمده لا شك لا شك - 00:12:57

ويفتح له من آآ من يعني من ابواب الخير ما لا يخطر له على بال. وهيفرغ له الوقت. يعني اللي اللي هيقدر او في في تفريغ القلب ربنا

هيعينه على تفريغ الوقت. لا شك سيعينه على تفريغ الوقت. وآآ - 00:13:17

وهو على قد ما يقدر ياخد بالأسباب. يعني سبحان الله يفسح الله له في وقته. آآ يعني سبحان الله كنت بحسها دايما بايه؟ اذا قيل

لكم تفسحوا في جالس فافسحوا يفسح الله لكم - 00:13:36

آآ يعني فكرة برضه ايه معنى ان انا يعني الشاهد يفسحي الله لكم يعني ان الانسان لما يجيئه باب خير ولا يجي له حاجة ويحاول

يفسح لها في وقته ربنا يفسح ليه؟ سبحان الله! يعني ده حاجة يقول طب دي منين وازاي ومش عارف ايه؟ لا وحد تاني ببساطة

شديدة جدا بيقول لك لأ - 00:13:49

اصل انا مش فاضي بس معرفش اصل مش قادر اصل مش مزاج يعني انا يعني برضو مش قادر اتخيل صورة الايه الرفض العادي ده

كده يعني اللي هو بيتم من بعضا - 00:14:09

لمسلا لحاجة من الخير مسلا جت له او كلام من ده آآ تحت زعم بقى او مسمى ان انا ايه مش فاضي. احنا ما ننكرش طبعا ان الناس لا

شك - 00:14:24

يكون عندها انشغال يعني في اوقات او في حاجات فعلا زروف يبقى الاول الانسان فعلا ان هو يعتذر. لكن اللي اقصده ان هو بيبقى

مسلا بيتعلم ما فيش وقت هو في الحقيقة في وقت كتير جدا جدا - 00:14:34

فلما الانسان يفسح للخير او للعبادة او للطاعة في وقته. آآ ربنا يفسح له في الوقت كله. الله المستعان. آآ فتفرغ التي املأ صدرك غنا

واسد فقرك. هو ده اللي شاغل الانسان. شغل الانسان الغنى - 00:14:47

وزي ما قلت ده من الحاجات اللي بتشغله عن العبادة. يعني هذا هذا ما يشغله عن التفرغ للعبادة. ان انا اتفرغ

لطاعة ربنا تفرغ لاخري اتفرغ للقيام بدوري الذي ينبغي ان اقوم به. آآ هو ده الوعد اهو. تفرغ املأ صدرك غنا واسد فقرك -

00:15:02

سبحان الله! الجميل اللي ربنا قال ايه؟ املأ صدرك غنى واسد فقرك. يعني ما قالوش ان انا هديك فلوس لان هو فعلا في الحقيقة زي

ما النبي صلى الله عليه وسلم قال سيدنا ابو ذر - 00:15:22

قال يا ابا يا ابا ذر لا تحسب الغنى عن كثرة العرض انما الغنى غنى النفس. ان شعور العبد بالاستغناء والاستكفاء والقناعة والرضا لان

قد افلح من اسلم ورزق كفافا وقنعه الله بما اتااه. الحمد لله وتمام وزي الفل وكده كوييس واللهم لك الحمد. اهم حاجة بس الانسان لا

يكلم في اخره - 00:15:32

لا يكلم في عبادته لا يكلم في طاعته لربه. الحمد لله اهي كده انما هو طعام دون طعام وانما هو لباس دون لباس. انما هي ايام

قلائل. وغدا نلقى الله - 00:15:52

اه فكرة املأ صدرك يا غنى. حضور الغنى ده في الصدر. لزلك في الحقيقة برضه هي المسألة في القلب هي التي تزال في القلب.

الصدر ده لما يمتنى بالغنى خلاص - 00:16:02

سيخلو من من الانشغال بغير الله. فالصدر ده بيقى يعني سبحان الله يتفرغ لله واسد فقرك وان لم تفعل ملأت صدرك شغلا ولم اسد فقري. وفي رواية ملأت يديك شغلا. يعني في رواية ملأت يديك شغلا. ان فعلاً بيقى صدره ولذلك حتى لما حد قلت لكم - 00:16:12 قبل كده حد يقول لي انا مشغول آآ ده ده الانشغال عقوبة مش عذر يعني هو عقوبة اكتر منه عذر اصلاً لان هو ملئت صدرك شغل بيقى وعلى رواية تاني ملأت يديك شغلا. بيقى مش بس هيبيقى يعني ممكن تلاقي واحد عنده شعور بتاع - 00:16:31

بزمان يعني انا الرجال بيهم ان راجل راجل مشغول وهو مش مشغول ولا حاجة. يعني كتير مسلا حاجات ما عنديش وقت. الوقت ضيق. طب وهو بي عمل ايه برضه؟ في النهاية او هي بتعمل ايه؟ يعني ما تلاقيش الموضوع للدرجة دي. يعني فعلاً ممكن ما يكونش مشغول للدرجة دي. الله المستعان - 00:16:48

وفيرأيي ان الجميل يعني هو التحدى مش انا مشغول ولا مش مشغول لأ ما فيش حد مش مشغول حتى اللي عايش في المعاصي وفي الكلام الفاضي مشغول. ممسلين مشغولين ومحظيين مشغولين. وآآلعيبة الكرة مشغولين والناس آآ - 00:17:08
كله مشغول ما حدش مش مشغول على فكرة حتى الرجال البسيط اللي هو مسلا عامل النظافة مشغول ما حدش ما حدش فاضي بطاط يعني. الحقيقة ان تقريباً كله مشغول آآ حتى اللي مبيعملش اي حاجة مشغول انو يشوف الفيلم ده النهاردة ويشوف المسلسل ده النهاردة ويتبع الماتش ده النهار ده ويقول معلش النهار ده يوم زحمة ده - 00:17:26

برسا هتلعب وبعدها مش عارف ليفربول هيلعب وبعدها مش عارف في الماتش بتاع مش عارف مانشستر يونايتد يعني هو يعني وكده كده مشغول برضه بس هي الفكرة بقى مشغول بايه؟ التحدى مشغول بايه - 00:17:46

فاية انت كل ما تيجي تطل على نفسك هتلائقك مشغول هتلacci ما انت ما هو انت الوقت لازم هتملاه بحاجة فراغ بقى اللي هو انت ما بتتملاش الحاجة دي يعني بتبقى اللي هي بنسمتها المراحل الانتقالية - 00:18:02
المراحل الانتقالية اللي هو الانتقال من حالة لحالك كنت مسلا عندك شغل ومضغوط فيه جامد وبعدين قعدت عقبال ما تملى الوقت ده بحاجة بتاخذ لك وقت شوية في المراحل الانتقالية - 00:18:14

لكن في الحقيقة الكل مشغول بس التحدى مشغول بي. انا مش هقول مشغول يعني بصح ولا غلط مشغول بحاجة كويسة ولا وحشة؟
انارأيي ان المستوى الاهم انت مشغول بالاكمال او الاحسن ولا مشغول بما دونه؟ هو ده - 00:18:27
تحدي الحقيقة فالله المستعان اه وقال صلى الله عليه وسلم من جعل الهموم هما واحداً هم اخرته هم يعني من باب ايه بقى اللي اللي بيحول بيني وبين ان قلبي يفرق - 00:18:47

الهم الاهتمام الاهتمام بشيء الاكتارات بشيء المبالغة به فالهم ده بقى لما يكون الهموم دي هم واحد هم واحد بس هو اللي شاغلني وهو اللي مالي راسي ينفع؟ اه ينفع هو الهم الكبير اللي شاغلني. وكل الهموم الاخرى بقى متفرعة عنه. الهموم الاخرى يعني مرتبطة به هي قرباً وبعداً - 00:19:00

مش هم العيال وهم البيت وهم مش عارف ايه وهم ما هو في فرق نركز يا جماعة. مش عارف ليه ليه احنا بنتصور التلازم ما بين الهم وما بين آآ اداء الحقوق - 00:19:23

مش فاهم ليه يعني احنا بنقول طالما انا ما عنديش هم بيقى ما هأديش الحقوق. وطالما ادي الحقوق لازم بيقى عندي هم. ليه؟ يعني انا النهاردة سبيل المثال انا رجل مسلا مسئول عن نفقة مسلا آآ اولادي وبيتي وكده. فخلاص انا بعمل بس مش مهموم مش مهموم بشكل بقى ايه؟ يا ترى - 00:19:39

كذا وهيكفي ومش هيكفي وهنعمل طب احنا هنعمل ايه بكرة لما يحصل كذا طب يا ترى طب ممكن آآ اخر الشهر ما اقبضش طب انت ممكن خصم مني الشهر ده طب مش عارف ايه طب اصص للخمسة ده لم يعني طب لأ اداء الحقوق ان انا بروح شغلي باخد بالأسباب وخلاص مش مركز - 00:19:59

القصة دي انا بادي الحق ده وخلاص يعني هو في يعني هقول ايه كانه في يعني في في مستوى دون يعني الوعي كله كله

الوعي كله بتاعي انا رايح كله للايه؟ للآخرة. والباقي ده فيما دون الوعي زي بالزبطة احنا - 00:20:19

لما بنبقى مسلا على سبيل المسال آآبنبقى مسلا بنسمع محاضرة وبنعمل حاجة تانية.انا باكل في اللاوعي.انا مهموم بالاكل دلوقتى مش مهموم بها انا مسلا اه الاست مسلا بتكنس في البيت مسلا وحاطة سماعات في ودنهما مسلا بتسمع محاضرة او بتسمع قرآن او حاجة.اه بتكلم مع شخص ومشغول جدا معه في الحوار بتاعه.اه - 00:20:39

التلازم ما بين فكرة - 00:21:01

القيام بالحقوق دي نفسها او اداء بعض الاشياء والهم بها احنا مطلوب مننا مش ان احنا لما نيجي نقول بلاش الله هم الدنيا. يعني مسلا ان حد يقول لك يعني انا ما اعملش بقى الدنيا ما اشغلش بالى لأ ادي الحقوق دي خلاص. بس - 00:21:11

الموضوع مش مستحق ان انت ياخذ من من طاقتكم القلبية من طاقتكم النفسية من طاقتكم الفكرية للاسف الشديد ما هو ده يا جماعة بيسهلكنا هو الانسان ده برضه زي ما هو - 00:21:25

هذه طائفة من قراءات طائفة تخدم الالباب، عن هذه طائفة تخدم الباب

عندہ طاقة بدنیہ او طاقة تخص الابدان عندہ طاقة تخص الوجودان هو وجدانیا له طاقة نفسیا الحقيقة نفسیا له طاقة لما يتم استنزاف الطاقة النفسیة دی في حاجة انا والله کت بحسها کتیر جدا مثلا لما اجي ايه آ مسلما عایز ابقي مركز خالص کده وفھایق

كده بقى والواحد مسلا يبقى منشرح الصدر وعايز يلاقي مسلا - 42:00:21

سنكتب النهاردة او مسلا كنت شرعت في كتابة حاجة مسلا امبارح وعايز اكمل المشوار النهاردة يعني الواحد يعني عايز بقى كل ده
يبقى مركز ومهموم ومش عارف ايه واجيب دي منين ويا ترى ايه علاقة النص ده بالنص ده وايه مش عارف كده طب ده

00:22:02

هو ده هم وانشغال وطاقة للواحد. مسلا ممكن ايه اول ما اصحى من النوم افتح مسلا التليجرام او الواتس اقول في حاجة ضرورية او ملحقة لازم ارد عليها مسلا تخص الناس - 00:22:20

او ملحة لازم ارد عليها مسلا تخص الناس - 00:22:20

ابص مسلا على حاجة تعصبني او اقعد ما ادخل مع حد في حوار مسلا يضايقني. آآ بعدها مش عارف تيجي مكالمة تليفون مش عارف
يحصل ايه كده بلاقي نفسى انا في اخراليوم طب انا عملت ايه - 00:22:30

يحصل ايه کده بلاقي نفسی انا في اخر اليوم طب انا عملت ايه - 30:22:00

ممكن اكون مسلا ما لحقتش اكتب او خلاص رحت لحاجة اقل في التركيز شوية حاجة جمع واستقراء. اه مم والباقي نفسي عملت ايه
في الآخر؟ والباقي نفسي ما عملتش يعني اجي ابص على اخراليوم اه ان انس استنزفت - 00:22:44

في الآخر؟ والباقي نفسي ما عملتش يعني اجي ابص على اخر اليوم اه ان انس استنزفت - 00:22:44

كان الاستنزاف ده فين بقى؟ الاستنزاف الفكري ده بتاعي في التركيز وايوة طب بصوا ممكن نحلها بالشكل الفالاني طب مش عارف
ايه او مسلا ان انا اشد على حد او ان انا حد - 00:22:59

ایه او مسلا ان انا اشد علی حد او ان انا حد - 00:22:59

لكل رد كل ده استنزاف فكري يعني هو هو ده حاضر في الامور الادارية. او يعني حاضر في الامور الادارية عند الشخص فعلًا اللي خايف من ربنا فبتبقى فعلًا هماه وشاغلاه ومستنزفاه فممكن تستنزف فكره فعلًا تستنزف طاقته الفكرية والعقلية تستنزف تكتنه تستنزف طاقته النفسية كما: مله - 00:23:09

00:23:09 - کما: وله طاقتہ النفسہ تر کیزہ تستنزف

لا شك ان يفرق مع الانسان اول اليوم عن اخر يوم لسه كده اية مفایة ومش عارف ايه ويجي بقى في يوم خلاص ولا مسلا ايام
اکزهستد خلاص هو وحد يقعد پتکلم يعني فالطاقة برضه - 00:23:31

اکزهستد خلاص هو وحد یقعد یتكلم یعنی فالطاقة برضه - 00:23:31

يعني طاقة الانسان النفسية والوجودانية بتبقى خلصت. لأن هو في النهاية برضه له طاقة. هو ما هواش هو يعني النبي كان يقول لا الله الا الله انما انا بتاعتنا قوة التحمل بتاعتنا في النهاية برضه لها سقف ومرتبطة بحاجات - 00:23:45

الله انا ابا بتعالى قوة التحمل بتاعتنا في النهاية برضه لها سقف ومرتبطة بحاجات - 00:23:45

فاللي اقصده ايه لأنما بقى الانسان مسلا عاييز يعمل او عاييز يركز حاجة لأن بلاش الكلام ما يمكن ارجاعه يرجى ما يمكن كذا خلاص يعني لأن فعلا الكلام غير بقى والقصص دي او غير انه بيأخذ من انتباه الانسان. آآ المحزن ان في ناس مسلا بقى بتباشر هذه الامور

00:24:01 - ۲۸۱

00:24:21 بيجوا ييقااش الامور الادارية دي كمان للاسف الشديد بقى بيباشرها بايه -

بتاع الحقوق بالبرود يعني بيبقى في حاجة مهمة وهو مسلا دماغه عمالة ايه مهمومة بحاجة تانية خالص مش هنا مهموم مش عارف بالمشكلة التالية مهموم كذا فحتى مبيأديش يعني مش مركز في الحاجة مش مهموم بيهَا كما ينبغي فللاسف الشديد احنا احنا -

00:24:31

عندنا ازمة كبيرة في مسألة الهم دي. ازمة كبيرة في مسألة الهم. الحاجة اللي تستحق ان احنا نهتم بها او نبقي مشغولين عليها ما احناش مهتمين بها كل ما يخص الايمان كل ما يخص القرآن كل ما يخص دينا للاسف انما مشغولين اكتر بما يخص الابدان وبندي له همنا كله وتركيزنا كله وفكرنا كله وللاسف -

00:24:51

شيء بيستنزف بشكل ضخم ولذلك فبرضو اصلا من التحديات من التحديات اللي بتواجه الانسان وانا شايف انها تحدي خطير جدا جدا. بعض الناس ما بيتنبهش لها. فن ادارة الهم فن -

00:25:11

ادارة الهم فن ادارة الهم ازاي ان الانسان يدير همه همومه؟ انا اهتم لايه وما اهتمش ليه؟ الهم ده غير الغم الهم غير الغم الضيقة خلاص اه يعني اه غم اسف اسف وضيق. انما الهم انشغال الهم هو الانشغال مهموم بشيء مشغول به -

00:25:24

ایوة الانشغال ده قد يرتقي ان هو يحزن الانسان بس هو انشغال يعني لون الانشغال اللي بيلهي. ولذلك الهم ده منه منه منه ممدوح او محمود ومنه منه مقدوح او مذموم. يعني منه ممدوح او مقدوح. يعني ده حاضر الاثنين. لما يهتم بحاجة ما تستحق الاهتمام ده كله -

00:25:44

فن ادارة الهم ده ذاته الانسان يدير همه يهتم باليه وما يهتمش باليه؟ يهتم ليه وما يهتمش ليه؟ يهتم قد ايه برضو كله دي كلها تحديات في منتهي الاهمية في مسألة الهم دي -

00:26:04

ايه علاقة الكلام ده بالصلوة؟ علاقة الكلام ده بالصلوة اصلا ان احنا نفسنا لما قلوبنا ما فرغتتش ولما همومنا نفسها لم يحسن توجيهها آآآ فللاسف الشديد بقت رايحة لما لا ينبغي ان تذهب له -

00:26:20

انا مهموم النهاردة ومشغول بقضية ازاي ايه ايه الطريقة الجديدة اللي هحاول اقرب لابني بها الصلاة مهموم النهاردة بان انا امبراح كان المفروض اعمل كذا فما عملتش فعايز اعوض النهاردة على قد ما اقدر. مهموم يعني مهموم بال حاجات دي. فاللي ده همه يعني من جعل -

00:26:35

لهم هما واحدا هم اخرته بس بشكل واضح. ولذلك يعني معلم مع احترامي هتقعدى تقولى لي فلان وعلان وحضرتك تقول لي الشيخ فلان والشيخ علان والكلام ده كله كلام واضح وصريح. المسلم ما لوش الا هم. واحد هم الآخرة. مركزية الآخرة -

00:26:52

هم الآخرة وهم الآخرة ده ما يتعارض مع فكرة القيام بالحقوق واداءها على او ادائها على مستوى تاني من يعني عادي خلاص عادي يا عم بروح وباجي وباكل وبشرب وبشتغل وبعمل كل حاجة الكلام ده كله بادية. بس انا همي وفكري في ايه؟ زي النهاردة مسلا على سبيل المسال لو ان -

00:27:08

طالب عنده مسلا امتحان بعد تلات تيام في السانوية العامة وعرضت له حاجات كثيرة هيبي مهتم بقى مش بس اللمة دي مش عارف مالها ومالك النهاردة حزين ليه؟ اصل اللمة مش عارف كذا وملك متضايق ليه؟ اصل مش -

00:27:28

كذا والكلام ده خلي بالكم كثير من الصالحين والصالحات اه بيستنزفوا بيستنزفوا من من ناحية الهم بسبب القصة دي. يعني هم بسبب القصة دي اه هم بيستنزفوا بمعنى ان مسلا نيجي نبص على على الشخص -

00:27:42

نلاقيه مهموم بحاجات ما تخصوص يعني انا مهمومة وزعلانة جدا. ليه؟ اصل بنتي مش عارف آآآ كانت بكلمها في صوتها مش مش مبسوتة. فهي شكلها جعل لنا مع جوزها مش عارف ايه وكذا واحسن يطلقها. وهم اصلا مش عارف ايه وتقعد مهمومة لها يومين ثلاثة. فراغ فراغ -

00:28:05

الانسان لما يكون عنده فراغ فعلا يقعد يهتم آآآ ملك اصل انا بنتي مش عارف حصل لها مشكلة مش عارف مع واحدة صاحبتها فبتقول لها مش عارف ايه وحزينة قوي -

00:28:30

عنيي مهمومة اصل الولد مش عارفة حاسة خاسس كده النهاردة اصل مش يعني برضو في اوقات اسراف اسراف في الاهتمام بحاجات مش للدرجة دي. يعني اسراف في الاهتمام الكبير بها - 00:28:40

يعني الموضوع مش للدرجة دي خالص الموضوع بسيط صاحبه نفسه مش مهتم به بالشكل ده. الاهتمام باللي بنحبهم اهتمام باحبابنا واصحابنا. آآ اهتمام كبير قوي اهتمام بحاجات تخصهم مشغولين بيهم وطاقتنا كلها مستنزفة - 00:28:57

وطاقتنا كلها مستنزفة فيما يخصهم احنا فما عندناش وقت ما عدش عندنا وقت ان احنا يبقى عندنا هم الاخرة. ما هي النهاردة كله قعدة مهمومة مش عارف عشان خاطر وجوزها مش عارف ايه وعشان اخوها وعشان بنت عمتها وعشان وفي ناس بقى كمان وخصوصا الناس اللي هم الایه الاجتماعيين آآ - 00:29:15

ولما يكون لهم اوضاع في في مجتمعهم في اسرتهم. يعني مثلا لو انت مسلا آآ انت في مسلا في في عيلة وانت مسلا ايه آآ اخواتك الصبيان واخواتك البنات ومتش عارف وبنات عملك ومتش عارف ايه هم بايه يعني مسلا بيسمعوك ويحببوا ياخدوا رأيك - 00:29:39

بك فانت بتتعيشي كما لو كنت انت بقى ايه مهمومة بهم كلهم وكأنى مش عارف ايه وفلان وكان كزا وكان زعلان من مراته يعني كان زعلان من مراته مسلا وكلها من تلات تيام. وبعدين من بعدها اشغلت ما عرفتش تكلمه وهو صالح مراته بعدها بخمس دقائق وهي قاعدة متقدرة ومهمومة ومشغولة عليه لغاية النهاردة - 00:30:00

انا ما بقولش ما نهتمش بالناس بس بقول يعني الطاقة دي كلها من الهم آآ مهمومة يعني يعني في اشكال ضخم جدا وهو مسلا لهم او الانشغال بالايه ما احنا قلنا ان فيه فيه الحزن فيه الحزن آآ وفيه القلق - 00:30:20

فالقلق ده متعلق بما فات. والحزن ده متعلق بما هو القلق متعلق بما هو ات والحزن متعلق بما فات. فالاتنين هم فمسلا هموم بحاجات في الماضي. هموم بحاجات جاية في المستقبل. الانسان اللي طاقته كلها رايحة كده ده ده فين همه اصلا؟ يعني كيف كيف - 00:30:42

اصلا يعني هو يتفرغ لهم الاخرة. يعني ازاي اصلا يتفرغ لهم العبادة؟ لهم مسلا لما يكون ولاده مشغول اكتر بان هم مش عارف كلوا مش المدرسة النهاردة ومتش عارف وهنعمل ايه وهنجيب لهم شقة. ومتش مشغول ينشغل امتى بصلاتهم؟ دماغه تيجي امتى في صلاتهم؟ مش هتيجي في صلاتهم - 00:31:02

فيما جماعة دي مسألة مهمة وخطيرة جدا الایات دي بتوجهنا لها وهي مسألة برضه فن ادارة الهم ده ان الهم ده يدار الانسان ما يقعدش يستهلك ويستنزف هم ده ويعمل لقلبه انشغال بحاجة يعني ما لهاش معنى. يعني انا انشغل بها ليه - 00:31:23

خلاص ما هو يعني انشغل باللي ليه لزما انشغل به. حاجة ما لهاش لازم ما انشغلش بها. لا بقى ممكن الناس تبقى مشغولة مسلا مهمومة بايه؟ مسلا ول يكن برضو زي في اوقات - 00:31:40

ضيق الصدر مسلا واحدة قالت لها الكلمة ضايفتها فعمالة بقى مهمومة ترد عليها ازاي وتنتفق منها ازاي ومتش عارف ايه وازاي تقول عليها كده وانا مش عارف كزا ولا هو مهموم بقى مش عارف كزا ومتش عارف وكزا - 00:31:50

يا ربى ده هو الانسان هيعيش متذنب اصلا. هو الانسان هيفرضي امتى بقى ان هو يفكر في اخرته ولا يهتم باخرته؟ ولذلك آآ الشخص فعلا اللي هييهم باخرته هيتوصف عند الناس ان هو ايه انت ما بقتش كوييس ما بقتش بتهتم بنا كما ينبعي لا والله العظيم بهتم اكتر - 00:32:05

وينبغي وبهتم دلوقتي اكتر من الاول وباعمل الحاجة بس مش لازم ابقي بعملها وانا قلقان وخايف ومتوتر ومشغول بها قبلها مش عارف بايه ول يكن احنا مش مسلا ول يكن عندنا مسلا سفر بعد عشر تيام يلا وعايزين ونجهز وخليل بالك وهكذا عشان السفر وياب رب ويا ترى - 00:32:26

سفر احسن ممكن يحصل حاجة في الطيارة اصل مش عارف ايه تم على اللي مش عارف يتتجاوز يعني خلاص يا جماعة يعني يعني خلاص ليه بقى للانشغال الشديد ده؟ يعني وبرضو كل ده بيصنعه الفراغ. يعني حد هيقول لي طب انا اعمل ايه؟ اعمل ايه بقى؟ طب

انا انا فعلا كده اعمل ايه - 00:32:46

الاحلال يعني تيجي تخشن هموم الاخره فتطرد هموم الدنيا ما يبقاش عنده وقت انت مهمومة النهاردة بان انت مسلا ما خلصتش ورددك. المهمة النهاردة ان كان عندك الكتاب والفن الزكية ما زاكرتهوش. وانت مهموم النهاردة كان عندك المحاضرة التالية تعملها وما عملتهاش - 00:33:03

وكان عندك مش عارف المفروض الاجتماع الثاني تخلصه ما خلصتوش. ولذلك اصلا هو الانسان بالضبط كده. هو لو اول ما ما يقف الهموم بتتنقض عليها يعني ايه الهموم دي ما تتخيلوش انها مسلا هتسبيب الواحد لا مش سايهاه. هي تنقض عليه على طول. فهو هو فكرة انه ما يفضاش. يعني - 00:33:19

آآ يعني ايه؟ اشتغل بعبادته. اشتغل بعبادتي. دي في رواية تانية غير تفرغ للعبادة دي في رواية اشتغل بعبادتي. مشغول مشغول مشغول فما فيش مجال انما اول ما ولذلك بعضكم يعني للاسف الشديد او بعضكم بيتصور بقى ايه لا عايز ياخد استراحة بياخد استراحة ما بياخدش استراحة - 00:33:43

هو يا دوب بياخد الاستراحة من هنا ويبيجي اي هم من هموم الایه الدنيا من الحاجات اللي هي قاعدة بقى متربصة بالدوائر دي ولا خلاص تنقض تفترسه يقع بقى قاعد مهموم ومغموم بها وقت طويل. ولذلك حتى لما تهجم لما تهجم ما تفسح لهاش. يعني فعلا في بعض الهموم اللي هي بتبقى ضخمة جدا. فلما تهجم - 00:34:03

ما تفسح لهاش زاحمتها. فلما تزاحمتها ما فيش مجال هتاخد يعني ولذلك مسلا انا اذكر يعني فترة كده مسلا ربنا يعافينا. آآ جه مسلا على راسي هي كده تلات شهور كان امر ضخم يعني واهم لواحد جدا. فانا كنت طول اليوم بعمل ايه بجاهد الهم ده واكافحة ومش عارف واقاومه - 00:34:24

اه في ممكن فعلنا مش في فورماتي لا بس اقعد مسلا في اجتماع واتكلم ومش عارف ايه واتاخد في الكلام وكذا. اه مش فورماتي تمام بس ايه يعني عارف ان انا لو قعدت المهم آآ مسلا اجي آآ مسلا درس محاضرة مش عارف حاجة ايه اليوم ورا بعضه ورا بعضه ورا بعضه ورا بعضه - 00:34:44

بشكل زيادة كمان عن الاول يعني اه امته بقى كان بيفترسني؟ يعني امته كان بيجي يفترسني بقى اول ما احط دماغي على المخدة لان هو ضخم مش عارف يا نائم - 00:35:04

يعني مسلا مسلا في العادة الواحدة الحمد لله مسلا لما بينام بيبقى خلاص هلكان يعني بيحط دماغه خلاص بينام. آآ لا هو كان ضخم لدرجة ان الواحد يضع دماغه. لا الهم ده شغال شغال شغال - 00:35:21

فكأن آآ يعني عمال بيفترس الانسان في اللحظات دي. فلاول مرة او المرات المعدودة في حياتي انا مسلا كنت ممكن اقعد مسلا فارق آآ ساعتين ثلاثة لدرجة آآ انا اذكر يعني كان في في سخونة الامر بس قعدت في آآ قعدت تلات ساعات - 00:35:39

طرق يعني كانت اول مرة تحصل في حياتي لدرجة قمت من النوم يعني مش مش واقوم تعban وعايز انام وقمت من النوم عملت حاجة تانية فالشاهد ايه؟ الانسان الحل للهموم دي مزاحمتها مزاحمتها ما يديهاش مجال لانه لو ساب لو ساب راسه - 00:36:02

لو لو ساب نفسه لو ساب قلبه دققة هينقض عليه. وكده كده الهموم يعني ايه يعني هي كده كده هترق مع الوقت وفتنه يرقق بعضها بعضا هييجي هم تاني يررق الهم ده يعني يخففه يجي هم تاني وايه الحياة كده اصلا - 00:36:21

قد اخلق الانسان في كبد. فانما بقى لو هيقعد يتوقف مع كل هم مهما كان ضخم. وهيقعد يتترك نفسه ليه؟ ويعطل نفسه عليه. وده للأسف اللي بيحزن الواحد عند كثير - 00:36:41

الاخوة والأخوات الفضلاء كثير من عمرهم وقوتهم وجهدهم استنزف الهموم اللي ما لهاش اي لازمة دي. لا تفرغوا لنفسهم ولا تفرغوا لآخرتهم. ويا ريتهم كمان ان الحاجات دي تحل المشاكل دي انتهت ما انتهت ولا حاجة في الاخر. المهم يعني الشاهد فيعني احنا فصلنا في المسألة دي لان مسألة الهم وادارة الهم دي مسألة مهمة جدا - 00:36:51

في قيام الانسان بدوره. ما هو بطبيعة الحال يعني انا كنت في اخت فاضلة كانت في اشكال كده كنت بتتكلم معه. فكنت بقول لها يعني انت همك الشديد بمسلا زوجك واصلاح احواله واخلاقه ومش عارف وما يتعلق به. وان انت نفسك تحمليه على الصورة اللي انت تتنميها - 00:37:11

كزوج آآانتم عندكم اختلاف طبعا اصل انت نفسك ان هو يكون الزوج الثاني اللي فيه الصفات التالية هو ده استنزفك استنزفك لدرجة ان انت حتى لما جه بقى تيجي تتعاطلي مع عيالك مش قادرة انت طاقتك كلها تم استنزافها في الاهتمام الزائد جدا والاغتمام بما يخص زوجك - 00:37:31

ما عدش عندك طاقة يعني حتى انت مسلا الاهتمام بالمشاكل وال حاجات مسلا اللي بينك وبينهم شغالك لدرجة انه حتى لما هو بييجي انت طاقتك تم استنزافها اصلا انت استنزفتني هو يعني الولاد يعني الام دي استنزفت. فانا كنت بقول بقى الاخت اللي بالحالة دي طب هي او الاخ اللي بالحالة دي - 00:37:51

هو ده ازاي يعني ايه هيبقى عنده من الهم الهم بقى لصلة الولد ده ومش عارف ايه والانشغال بها والتفكير مش عارف ايه فين فين اللي احنا كنا بنتكلم فيه المرة اللي فاتت مسلا بقى في سعة الصدر والصبر والاصطبار والمش عارف المواظبة والاستمرار والمثابرة - 00:38:14

مش اللي عنده طاقة للكلام ده كله. لان طاقته تم استهلاكها واستنزافها. تم استهلاكها واستنزافها في كل ما يخص الدنيا. في النهاية يا جماعة مش هنضحك على بعضنا. احنا في النهاية كلنا - 00:38:35

يعني ايه؟ زين للناس حب الشهوات من النساء والبنين والقناطير المقتصرة من الذهب والفضة. المال والبنون زينة الحياة الدنيا فمش هنضحك على بعضنا احنا في الاخر دنيا. يعني انا انا زوجتي دنيا - 00:38:45

واللي ساء ككل اصلا دنيا بالنسبة لي كرجل. وانت كامرأة زوجك دنيا والرجال كل بالنسبة لك دنيا اصلا. مش هنضحك على بعضنا. ولادنا دنيا وبناتنا دنيا ما هو ده دنيا امال ايه الدنيا؟ هو ربنا وصفهم بالنكد بانه كده. يعني قال زين للناس حب الشهوات بالنساء والبنين والقناطير المقدرة من الذهب والفضة والخيل المسومة والانعام والحرث - 00:39:00

ذلك متع الحياة الدنيا اي دنيا فهي في الاخير يعني ايه هي شهوات في الاخير برضه هي دنيا يعني. فاحنا مش هنضحك على نفسنا. لما واحد يقول لك لأ اصل انا والله منشغل به عشان اخرته. لا - 00:39:20

تغلب اخرته بقى يعني انشغلي بان هو كوييس مع ربنا مش كوييس مع ربنا صالح ولا مش صالح. لأ انت منشغلة اكتر بانت اللي اللي يخص ومش عارف وتعاملوه معاكي ويزيوروه وكتبت تتنمي يكون مش عارف - 00:39:35
بيحبك اكتر من كده لأ وطلع ما بيحبكيش قوي وما تمرش فيه الشوكولاتة والحوارات دي. وآآ اللي انت كنت تتنمي انه مش عارف يكون شخص شاعري وما طلعش شاعري ولا طلع ما عرفش - 00:39:45

ايه اللي حكايتها؟ ولا كنت تتنمي انه بيقى مش عارف بيقى يقف معك في موقف اكتر من كده؟ او انا كرجل اتمنى ان زوجتي كانت تبقى كذا واتمنى ان انا مش عارف ايه واه وعمال بقى اه يعني اصل في - 00:39:55

حاجات خلاص انا قلت ان ان غاب الحب بقى الاحترام بقيت الحقوق. ان غاب الحب بقيت الحقوق. وبيقى بقى المودة والعشرة والكلام اللطيف اللي عايش يعيش الناس برضو خلاص في النهاية ممكن الطبع ده غير الطبع ده خلاص بقى مش هنقدر نحرق دمنا مش هنقدر عمرنا يروح وتستنزف طاقتنا نعيش على منظومة الحقوق - 00:40:05

يعيش الناس على منزومة الحقوق يعيش الرجل والست مراته على منزومة الحقوق انا اعيش مع اهلي على منزومة الحقوق اعيش مع اخواتي على منزومة الحقوق الناس اللي هم انا ما عنديش ولذلك انا قلت دايما مرارا متكررة. الحاجة اللي تهم وتشغل الانسان خلاص بلاها. يعني شل ده من ده يرتاح ده عند سلامته النفسية. يعني انا - 00:40:24

واحد صاحب بيقرفي مسلا طب انا ايه اللي يجبرني عليه؟ مع السلامه. انما فيه ناس مش هتستطيع منهم فكاك مش هستطيع افكار من ابويا ومن امي. الا بقى لو حاجة ضخمة جدا يعني. مش هستطيع - 00:40:44

من من زوجتي واولادي ولا هم يستطيعوا افكارك مني فخلاص يبقى نعيش على منظومة الحقوق وما نقدر نستنزف طاقتنا النفسية
ولا طاقتنا وآخرتنا بتروح واحنا عمالين عمالين نستنزف نفسيا ونستنزف وجداً ونقدر نقول اصل مش عارف ايه
اصل ايه لا معلش احنا قلنا قبل كده مرارا وتكرارا ان حل - 00:40:54

المشكلة مش زوال عين المකدر حل المشكلة زوال اثر المکدر مش عينه. يعني هو يبقى زي ما هو شغال النهاردة واحدة بتقدر على زوجها حياته واحد بيقدر على على زوجته حياتها آآ واحد آآ النهاردة آآ ابنه مکدر عليه بنته مکدرة عليه مش عارف مين الناس - 00:41:14

مش لازم الحل يبقى زوال عين المکدر. بالعكس الحل اللي دايماً بيطرح في الشريعة زوال اثر المکدر ده. المکدر موجود بس خلاص اه يعني الانسان ما عدش بيتأثر خلاص بقى بيكبر اه خلاص بيحافظ على سلامته النفسية ما عليه - 00:41:35

فكـل الاهتمامات سواء كانت بالأشخاص بالزينة كلها. اي اهتمامات دي بتصرف عن ان يكون همه ايه؟ هم واحد من جعل الهموم هما واحداً هم اخرته. والله اللي تغتم عشان اللي تهتم عشانه انت لو مت النهاردة هتبقى ايه. انت لو مت النهاردة عزرا اللي انت - 00:41:53

مهمومة بهم دول ولا اللي انت مهموم بهم اصلاً كل واحد آآ سوف القى الله وحدى ما خلاص يعني كل واحد هيقابل ربنا لوحده. يعني ولقد اسمـنا فرادى يعني ما خلاص ما حدش هيفيد حد. وكل الكلام ده هينقطع. هنندم على ان احنا كـثير من طاقتنا استنزفت في حاجات زي كده - 00:42:13

ما بقولش ونـهـتمـش او ما نـنـشـغلـش بـس دـي كل حاجة حـجمـها. وـعـادـي يـخـلـيـها فيـ وقتـها وـآآ لما يـجيـ لها ما هوـ الكلام دـه حتى مشـكلـته بـيـؤـثـرـ علىـ صـلاتـنا ماـ هوـ الخـشـوعـ ايـهـ غيرـ قـدـرـةـ علىـ تـفـرـيـغـ القـلـبـ - 00:42:33

يعـنيـ الخـشـوعـ ايـهـ غيرـ قـدـرـةـ علىـ تـفـرـيـغـ القـلـبـ قـدـرـةـ علىـ تـوـحـيدـ الـهـمـ يعنيـ اـنـ مـسـلاـ لـوـ هـقـولـ بـقـىـ عـبـارـاتـ كـدـهـ عـمـيقـةـ شـوـيـةـ فيـ تعـرـيـفـ

الـخـشـوعـ فـاـنـاـ اـقـولـ تـفـرـيـغـ القـلـبـ وـتـوـحـيدـ الـهـمـ - 00:42:46

ما هو كـدـهـ فـرـغـتـ قـلـبـ وـحتـىـ هـنـاـ فـرـغـتـ قـلـبـ تـفـرـيـغـ القـلـبـ منـ اـيـهـ؟ـ منـ كـلـ ماـ آآ ماـ سـوـىـ ماـ سـوـىـ اللهـ سـبـحـانـهـ وـبـحـمـدـهـ وـحدـتـ هـمـيـ

يـبـقـىـ هـمـيـ دـلـوقـتـيـ اللـيـ اـنـاـ فـيـهـ الحـالـةـ اللـيـ اـنـاـ فـيـهـ الصـلـاـةـ هـمـ الـاـخـرـةـ - 00:42:59

بسـ هوـ اـيـهـ غـيرـ كـدـهـ؟ـ فـذـاكـ الذـيـ لـاـ يـقـدـرـ عـلـىـ عـلـىـ انـ هوـ يـفـرـقـ قـلـبـهـ وـبـوـحـدـ هـمـ.ـ حتـىـ مشـ هـيـعـرـفـ يـصـلـيـ لـاـ تـسـتـقـيمـ لـهـ يـعـنـيـ لـاـ يـسـتـقـيمـ لـاـ تـسـتـقـيمـ اـمـورـهـ فيـ محـرـابـ النـسـكـ وـالـصـلـاـةـ.ـ وـلـاـ حتـىـ تـسـتـقـيمـ اـمـورـهـ فيـ محـرـابـ الـحـيـاـةـ.ـ اـنـاـ

مشـ هـرـكـزـ حتـىـ فـيـ اـنـ هوـ يـنـجـحـ - 00:43:15

تمـيزـ فيـ آآ اوـ حتـىـ يـتـابـعـ مـصـالـحـ دـنـيـاـ.ـ فـلـلـاسـفـ حتـىـ مـصـالـحـ دـنـيـاـ بـتـتـعـطـلـ يـعـنـيـ.ـ المـهـمـ فـتـلـكـ الـهـمـومـ هـيـ اللـيـ تمـ التـأـكـيدـ عـلـيـهـ هـنـاـ وـمـنـشـأـهـاـ مـدـ العـيـنـ مـنـشـأـهـاـ مـدـ العـيـنـ.ـ يـعـنـيـ اـنـاـ سـبـحـانـ اللـهـ كـنـتـ بـقـولـ كـدـهـ.ـ اـنـاـ مـسـلاـ كـزـوـجـ لـوـ اـنـاـ مـاـ اـعـرـفـشـ فـيـ الـحـيـاـةـ مـاـ فـيـشـ

فـيـ الـحـيـاءـ فـيـ الدـنـيـاـ كـلـهـاـ زـوـجـةـ آآ زـوـجـتـيـ - 00:43:35

وـمـعـروـفـ ايـ خـبـرـ عنـ ايـ زـوـجـةـ تـانـيـ خـالـصـ لـاـ سـمـعـتـ فـيـ مـحـاضـرـةـ وـلـاـ قـرـيـتـ فـيـ كـتـابـ وـلـاـ شـفـتـ فـيـ مـسـلـسـلـ وـلـاـ عـرـفـ ايـ اـنـاـ

هـبـقـىـ مـبـسـوطـ وـرـاضـيـ جـدـاـ بـزـوـجـتـيـ لـاـنـ دـهـ تـصـورـيـ عنـ الزـوـجـةـ هـيـ دـيـ الزـوـجـةـ تـامـ وـزـيـ الـفـلـ وـمـبـسـوطـةـ عـشـرـةـ عـلـىـ عـشـرـةـ - 00:43:59

آآ هـيـ كـزـوـجـةـ لـوـ هـيـ مـاـ تـعـرـفـشـ فـيـ الدـنـيـاـ خـالـصـ غـيرـ هـذـاـ هـيـ اـولـ وـاحـدـةـ جـتـ عـلـىـ الكـوـكـبـ وـزـوـجـهاـ دـهـ قـالـواـ لـهـ يـاـ حاجـ اـيهـ عـلـىـ

الـكـوـكـبـ تـبـقـىـ رـاضـيـ بـهـ وـمـبـسـوطـةـ وـتـبـقـىـ زيـ الـفـلـ وـالـدـنـيـاـ عـشـرـةـ - 00:44:17

اـنـاـ قـلـتـ قـدـهـ مـاـ اـفـسـدـ عـالـعـاـقـاـتـ شـيـءـ كـالـمـقـارـنـاتـ.ـ المـقـارـنـاتـ اـكـثـرـ شـيـءـ اـفـسـدـ عـالـعـاـقـاـتـ.ـ آآ لـاـ عـلـىـ فـكـرـةـ اـنـاـ مـاـ بـقـارـنـشـ بـحـدـ

كـذـابـينـ كـذـابـينـ اـنـ مـاـ قـلـنـاـشـ بـلـسـانـ مـقـالـنـاـ بـنـقـولـ بـلـسـانـ حـالـ - 00:44:27

لـيـهـ؟ـ لـاـنـ فـيـ الـحـقـيـقـةـ حـاـضـرـ جـوانـاـ.ـ اـيهـ النـهـارـدـةـ اللـيـ بـيـخـلـيـ اـنـ كـزـوـجـةـ اـشـوفـ اـنـ زـوـجـتـيـ نـاقـصـ فـيـهـ الشـيـءـ الفـلـانـيـ.ـ اللـيـ بـيـعـزـزـهـ عـنـيـ

اـنـ اـنـاـ بـشـوـفـهـ حـاـضـرـ فـيـ صـورـةـ حـدـ اـعـرـفـهـ - 00:44:44

في صورة حد عرف شخصية عرفها حتى في تمثيلية شخصية عرفها في كتاب شخصية عرفها في الواقع اكيد اكيد مليون في المية حتى لو ما قلتتش كده بس هو حاجة كانت حاضرة في امي حاضرة في اختي. طبيعي هو هو ده لا اراديا اصلا. هي مقارنات. انا ليه مش وانا مستحق - 00:44:58

كده انا ما استحقش ان انا ما يكونش عندي ده. ليه؟ فهو في فكرة الحضور ده ان حضور مقارنة لا اراديا اصلا حتى الانسان بيقول لك لا ما ما بقارنش كداب - 00:45:18

يقارن حضور الصورة الالخرى. انما انا النهاردة لو ما عرفش عن النساء الا السورة دي ما اعرفش المرأة لا تعرف عن الرجال الا الصورة دي. ما يعرفش عن الابناء ابقي راضي به ومبسوط - 00:45:28

خلاص انا عندي تصور ان هي المرأة مقبول فيها الاوبيشن ده. يعني زي الموبايل ده ممكن يبقى فيه آلات كاميرات وممكن يبقى فيه كاميرا واحدة مقبول وممكن يبقى فيه - 00:45:38

تمرتين وممكن موبايل من غير كاميرا خالص مقبول برضه اسمه موبايل يعني بس موبايل وشغال الموبايل الشبشب الصغير ده ما فيهوش كاميرا خالص واسمه موبايل وفي موبايلات اول ما طلعت كان فيها كاميرا واحدة وفي موبايلات فيها ثلات اربع كاميرات وفي موبايلات هو عبارة عن كاميرا اصلا. واسمه موبايل برضه اسمه هاتف محمول برضه شغال في الآخر - 00:45:48

لأ انا عندي صورة ان الهاتف المحمول هو اللي فيه اربع كاميرات ومش عارف وفيه اللي هو مسلا بتاع النوت تن ولا الاس تن ولا حاجة يعني ده تصور هو ده تصوري الموبايل فيقارن الموبايل الشبشب بتاعي ده احنا الموبايلات الشباشب دي كنا راضيين بها وبمسبوطين بها وفرحانين بها وطاررين بها - 00:46:10

يعني لما طلعت الموبايلات الشبشب دي الواحد لما كان بيحب الموبايل ده كان بيتصور ان هو ما فيش زيه. النهاردة الموبايل الشبشب ده لو جيت على حد اعرضه على ابني ولا على بنتي ولا حتى انا شخصيا انا هاعتبر ان انا ما معيش موبايلات وان انا وان انا وان انا دايما لان انت لا اراديا الموبايل اللي معك - 00:46:30

تبقي باصلة للموبايل مسلا اللي مع واحدة تانية لا ارادية بيشوف التمني تمني ولذلك كانت لا ولا تتمنوا ما فضل الله به بعضكم على بعض. فاشكالية جاية منين؟ ولا تمدن لا تمدن عينيك - 00:46:50

ولا تمدن عينيك. يعني هو بيعد بيمد عينك. الى ما متعنا به ازواجا منهم زهرة الحياة الدنيا. لنفترهم فيه ورزق ربك خير وابقى. ركز بقى خلي همك الاخرة بقى ما تستنزفش طاقتك فيما يتعلق بالقسمة بقى. خلاص قصة القسمة دي خلصت. ركز بقى في - 00:47:05 اهم بالنسبة لك ركز في ان انت في استثمار القسمة دي في ان انت ازاى تستثمرها ان الله قسم لكم اخلاقكم وقسم لكم ارزاقكم. فكل واحد بقى يستمر قسمته. كان من اهل الصلاة دعي انبيس من اتفق زوجين - 00:47:24

هذا خير الله المستعان. فالله الشاهد وانزال الهموم هما واحدا هم اخرتي كفاه الله هم دنياه. الله ايه الجميل بقى! دى بقى هايلة يعني! الانسان يكفى هم الدنيا فعلا يلاقي نفسه بيكتفى ايه. يكتفينا - 00:47:38

سلبية وكفافها وقتها يعني ولذلك ازا قلنا ايه ازا قيل لكم تفسحوا في المجالس فافسحوا يفسح الله لكم. آآ ومن تشعبت به الهموم في احوال الدنيا لم يبالي الله في اي اوديتها هلأت. تلاقيه كل يوم يهلك له فؤاد. وقال صلى الله عليه وسلم من كانت الاخرة همه جمع الله له امره - 00:47:54

فعلا حالة الشتات دي الشتات القلبي الشتات الفكري الانسان مش عارف له حاجة وشووية مبسوط وشووية زعلان وشووية فعلا مشتت وجعل غناه في قلبه يعني دي حالة الاستغناء الحضرة في القلب ان انا الحمد لله وتمام وزي الفل والله لك الحمد والدنيا كويستة احنا اسهل من غيرنا - 00:48:16

واتته الدنيا وهي راغدة. لأنها كده كده جاية يعني لن يأتي الواحد منا من الدنيا الا ما كتب له. زي يابني انك لن تطعم طعم الايمان حتى تعلم انه - 00:48:37

ما اصابك لم يكن ليخطأك وانما اخطأك لم يكن ليصيبك. مم يعني اللي اصابني ده اللي حصل لي النهاردة اللي جا لي ده هو كان كده

00:48:54 كده هيجي لي يعني خلاص قسمتي -

قسمتي هو فيه حاجات زي ما قلنا كمان هي الانسان مسير فيها. ابويها قسمتي وامي قسمتي وابن قسمتي. ابني خلاص وزوجي اللي خلاص زوجته خدت بالاسباب سرق خلاص الحاجات الانسان ما لو ش تدخل فيها قسمته - 00:49:06

هذا قسمته. طب خلاص يعني انا يعني هعمل فيها ايه ؟ خلاص. فيركز بقى الانسان ان آآ ان ما اصابك لم يكن ليخطئك وما اخطأك لم يكن ليصيبك. اللي فاتك ما كانش يجي لك يعني يا سلام بقى ده انا كنت مش عارف اخش كلية كزا. ده انا كنت مش عارف زمانى دلوقتى - 00:49:21

كنت متجوزة مش عارف فلان لو كنت وافقت انا اللي مررت نفسى انا اللي مش عارف ما اخطأك لم يكن ليصيبك خلاص. يعني وخصوصا لما تبقى حاجة مترتبة على حاجات. يعني ممكن اقول ماشي مسلا الزواج ده اختيار. بس الابن ده اختيار. البنت دي اختيار - 00:49:42

خلاص يعني مش اختيار ان انت جبتي البنت الفلانية والولد الفلاني ايوة الاختيار متعلق باخلاقهم والكلام ده. ده مش هيشعر بالرضا وطعم الایمان اللي حاسس بکده ولذلك يجعل الله غنمہ واتته الدنيا وهي راغمة. ومن كانت الدنيا اهمه وفرق الله عليه امره وجعل فقره بين عينيه - 00:49:58

فلم يأت من الدنيا الا ما كتب له. شخص يعني على طول الخط على طول خط مكتئب كئيب مكتئب على طول خط. هو في داخله في في داخله في داخل هذا الانسان آآ استثناء يعني الله المستعان. مش هنطول في المسألة دي كتير عشان يعني هي يعني هي مسألة مهمة الحقيقة وهي مهمة في ايه - 00:50:16

في انها اه النهاردة طاقتنا متأخدة فمش مرکزين فيما ينبغي ان احنا نركز فيه ما ما انت بقى معلش انت كنت انت فاضية من اللي انت كنت فيه اصلا عشان ترکزي في بناء ابنك مصلی؟ هو انت كنت فاضية من الاهتمامات بتاعة الدنيا بقى آآ - 00:50:36 اه حب الشباب من النساء والبنين والقناطير المقتصرة من الذهب والفضة الخيل المسمطة والانعام والحارث انت فاضية. ما انتيش فاضية. اه انت فاضية من وجعلنا بعضكم لبعض فتنة لا تصبرون. ما انتش فاضية اصلا - 00:50:52

ما انتيش فاضية من ان انت عمالة تتبعي زوجك في ايه ومش عارف ايه وهو مش فاضي انه عمال يتبعك في ايه وعمال مأرق عليه حياته انه ما حدش فاضي هو حد فاضي ما حدش فاضي عشان يتفرغ لآخرته اصلا - 00:51:02 المستعن دي كانت النقطة رقم اربعينشر آآ نكتفي بالقدر ده في الحلقة دي وان شاء الله نكمل في الحلقة القادمة. سبحانك اللهم ربنا وبحمدك اشهد ان لا الله الا انت استغفرك واتوب اليك - 00:51:12